

0.0.1 kālākārāmasuttaṃ

1. evaṃ me suttaṃ: ekaṃ samayaṃ bhagavā sākete viharati kālākārāme. tatra kho bhagavā bhikkhū āman-
tesī bhikkhavoti. bhadanteti te bhikkhū bhagavato
paccassosum. bhagavā etadavoca:

2. yaṃ bhikkhave sadevakassa lokassa samārakassa
sabrahmakassa sassamaṇabrāhmaṇiyā pajāya sadeva-
manussāya diṭṭhaṃ suttaṃ muttaṃ viññātaṃ pattaṃ
pariyesitaṃ anuvicaritaṃ manasā, tamahaṃ jānāmi.

3. yaṃ bhikkhave sadevakassa lokassa samārakassa
sabrahmakassa sassamaṇabrāhmaṇiyā pajāya sadeva-
manussāya diṭṭhaṃ suttaṃ muttaṃ viññātaṃ pattaṃ
pariyesitaṃ anuvicaritaṃ manasā, tamahaṃ abbhañ-
ñāsim. taṃ tathāgatassa veditaṃ. taṃ tathāgato na
upaṭṭhāsi.

4. yaṃ bhikkhave sadevakassa lokassa samārakassa
sabrahmakassa sassamaṇabrāhmaṇiyā pajāya sadeva-
manussāya diṭṭhaṃ suttaṃ muttaṃ viññātaṃ pattaṃ
pariyesitaṃ anuvicaritaṃ manasā, tamahaṃ jānāmīti
vadeyyaṃ, taṃ mama assa musā.

5. yaṃ bhikkhave sadevakassa lokassa samārakassa
sabrahmakassa sassamaṇabrāhmaṇiyā pajāya sadeva-
manussāya diṭṭhaṃ suttaṃ muttaṃ viññātaṃ pattaṃ

pariyesitaṃ anuvicaritaṃ manasā, tamahaṃ jānāmi
ca na ca jānāmīti vadeyyaṃ, tampaṣṣa tādissameva. ta-
mahaṃ neva jānāmi na najānāmīti vadeyyaṃ, taṃ mama
assa kali.

6. iti kho bhikkhave tathāgato daṭṭhā daṭṭhabbaṃ diṭ-
ṭhaṃ na maññati. adiṭṭhaṃ na maññati. daṭṭhabbaṃ
na maññati. daṭṭhāraṃ na maññati. sutā¹ sotabbaṃ
sutaṃ na maññati. asutaṃ na maññati. sotabbaṃ
na maññati. sotāraṃ na maññati. mutā² motabbaṃ
mutaṃ na maññati. amutaṃ na maññati. motabbaṃ
na maññati. motāraṃ na maññati. viññātā³ viññā-
tabbaṃ viññātaṃ na maññati. aviññātaṃ na maññati.
viññātabbaṃ na maññati. viññātāraṃ na maññati.

7. iti kho bhikkhave tathāgato diṭṭhasutamutaviññā-
tabbesu dhammesu tādīyeva tādī. tamhā ca pana⁴ tā-
ditamhā añño tādī uttaritaro vā paṇītataro vā natthīti
vadāmīti.

yaṃ kiñci diṭṭhaṃ vā sutam mutaṃ vā,
ajjhositam saccamutaṃ paresaṃ;
na tesu tādī sayasaṃvutesu,
saccaṃ musā vāpi paraṃ daheyyaṃ.

¹sutvā machasaṃ.

²mutvā machasaṃ.

³viṭṭatvā machasaṃ.

⁴tādimhā machasaṃ.

etaṃ ca sallamaṃ paṭigacca⁵ disvā,
ajjhositā yattha pajā visattā;
jānāmi passāmi tatheva etaṃ,
ajjhositamaṃ natthi tathāgatānanti.

⁵paṭikacca machasaṃ.